



**CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E
FUNDACIÓN CENTRO TECNOLÓXICO DE TELECOMUNICACIÓNS DE GALICIA (GRADIANT)
CO FIN DE ACOLLER BOLSEIRO/AS PARA A ADQUISICIÓN DE COMPETENCIAS
PROFESIONAIS EN MATERIA DE INTERNACIONALIZACIÓN EMPRESARIAL**

En Santiago de Compostela,

REUNIDOS

Dunha parte, Dna. Covadonga Toca Carús, en representación do Instituto Galego de Promoción Económica (Igape), con CIF Q 6550010J e domicilio en Complexo Administrativo de San Lázaro s/n 15703 Santiago de Compostela. (A Coruña). Está facultada para este acto en virtude da delegación de facultades, recollida na Resolución do 18 de setembro de 2023 (DOG núm. 184, do 27 de setembro de 2023).

E doutra parte, D. Luis Pérez Freire en representación de Centro Tecnolóxico de Telecomunicacións de Galicia, con CIF G36997229 e domicilio na Carretera do Vilar 56/58, Vigo, Pontevedra, 36214.

As partes recoñécense mutuamente capacidade xurídica suficiente,

EXPOÑEN

- 1.- Que mediante Resolución da Dirección Xeral do Igape do 11 de xuño de 2024 publicáronse as bases reguladoras do Programa de adquisición de competencias profesionais en materia de internacionalización empresarial e procedeuse á súa convocatoria para o ano 2024 en réxime de concorrencia competitiva (DOG nº 120, do 21 de xuño).
- 2.- Que estas bases regulan a concesión dun máximo de 50 bolsas de formación práctica -no ámbito da internacionalización empresarial- para realizar labores de investigación de mercados, estudo de empresas e a súa planificación para internacionalización e para investigación das posibilidades de cooperación internacional entre empresas galegas e estranxeiras.
- 3.- Que os posibles destinos dos bolseiro/as indicados nas bases son: oficinas de Igape e Xunta, oficinas comerciais de España no exterior, cámaras de comercio españolas no estranxeiro, organismos multilaterais, organismos intermedios galegos, centros de investigación, empresas e/ou outros organismos en Galicia ou no estranxeiro.
- 4.- Que ambas organizacións coinciden no interese de colaborar en accións que faciliten o acceso das empresas a novos mercados, a formación de persoal especializado en internacionalización, e acceso das empresas galegas a profesionais con este perfil.
- 5.- Que, convido aos lexítimos intereses dos comparecentes, acordan regular a dita colaboración de acordo coas seguintes



CLÁUSULAS

PRIMEIRA.-

É obxecto do presente convenio regular as relacións de colaboración entre o Igape e Gradiant para a acollida dun bolseiro/a da convocatoria do Programa de adquisición de competencias profesionais en materia de internacionalización empresarial.

SEGUNDA.-

A duración inicial da bolsa no organismo de acollida é de 11 meses e, a data de comezo estímase durante o mes de xaneiro de 2025. A dita duración poderá ser prorrogada polo Igape por un período máximo de once meses adicionais en consideración á conveniencia de finalizar ou completar unha etapa da formación que xa estivesen comezadas ou a piques de comezar na data de finalización da bolsa, sempre e cando Gradiant acepte a prolongación da estadía.

A dotación da bolsa será pagada integramente polo Igape ao bolseiro/a, e inclúe todos os impostos de carácter persoal así como a Seguridade Social. O Igape non aboará ningunha cantidade á entidade colaboradora. No caso de que das tarefas encomendadas polo organismo se incurra noutros gastos non cubertos polas bases reguladoras do programa, estes gastos serán por conta do organismo.

O Igape asignará o bolseiro/a a Gradiant tendo en conta a puntuación final obtida polo bolseiro/a na resolución definitiva, o seu nivel de idiomas en relación ao destino en cuestión e o perfil do candidato en relación co devandito destino.

O Igape poderá substituír ao bolseiro/a no caso de renuncia do bolseiro/a anterior ou por cambio de destino por causa xustificada.

TERCEIRA.-

A colaboración de Gradiant consistirá en:

- A execución, dentro do horario laboral, do plan de formación plantexado por Gradiant que se une como anexo ao presente convenio.
- A realización, a través do(s) titor(es) proposto(s) e que se indica no anexo ao presente convenio, do seguimento da actividade desenvolta polo bolseiro/a dentro do programa de formación establecida, e a provisión do asesoramento necesario para o seu correcto desenvolvemento e integración.
- A realización e envío ao Igape de informes acumulados trimestrais de execución e resultados do programa de formación, así como o informe final.
- Permitir a execución por parte do bolseiro/a de tarefas complementarias que o Igape lle poida asignar así como a participación en reunións, seminarios ou similares aos que o bolseiro/a sexa convocado polo Igape, sendo neses casos por conta do Igape os gastos de desprazamento, que se aboarán directamente ao bolseiro/a como parte da dotación da bolsa.
- A posta a disposición das instalacións e os medios apropiados para o desenvolvemento da bolsa.
- A inclusión do bolseiro/a no plan de prevención de riscos de Gradiant, asegurándose de que é coñecedor do dito(s) plan(s).



- O bolseiro/a deberá cumprir co réxime de ordenamento interno de Gradiant.
- Subministrar toda a información necesaria para que o Igape poida dar cumprimento ás obrigas previstas no Título I da Lei 1/2016, do 18 de xaneiro, de transparencia e bo goberno. As consecuencias do incumprimento desta obriga serán as establecidas no artigo 4.4 da devandita lei.

CUARTA.-

As actividades do beneficiario serán en todo caso formativas, sen que en ningún suposto poida ostentar a condición de responsable, nin tan sequera de facto, da execución de calquera tipo de actividade. O bolseiro/a deberá estar en todo momento supervisado e controlado polo titor que se lle designe, que será quen adopte calquera decisión que se considere necesaria e vele porque o beneficiario aproveite con éxito o proceso de formación.

Os dereitos e obrigas establecidas en virtude do presente convenio de colaboración non presupoñen relación laboral nin de servizos entre Gradiant e o bolseiro/a.

QUINTA.-

A entrada en vigor do convenio será desde a data efectiva de incorporación do bolseiro/a a Gradiant. A súa duración será de dous anos podendo prorrogarse por once meses adicionais se existe conformidade ao respecto polas dúas partes.

SEXTA.-

As controversias que puidesen xurdir da interpretación do presente convenio resolveranse por unha Comisión Mixta constituída por un representante designado por cada unha das partes e presidida pola directora xeral do Igape, a cal se reunirá a convocatoria de calquera dos seus membros, poñendo os seus acordos fin á vía administrativa e correspondendo contra os mesmos recurso contencioso-administrativo ante os Xulgados de Santiago de Compostela.

SÉTIMA.-

As partes poderán modificar ou resolver o presente convenio en calquera momento por mutuo acordo. Así mesmo, poderán denunciar o presente convenio en calquera momento por vontade expresa de calquera das partes cun preaviso de quince días naturais.

A entidade colaboradora someterase aos mecanismos de inspección e de control que o Igape considere convintes, vinculadas ás actividades formativas dos beneficiarios en relación coa bolsa concedida

O incumprimento de calquera das obrigas contraídas no presente convenio por unha das partes facultará á outra para resolver o mesmo, cos efectos que legalmente procedan.

OITAVA.-

Gradiant consinte expresamente a inclusión dos datos persoais e relevantes deste convenio nos rexistros públicos que proceda, de acordo co Decreto 126/2006, do 20 de xullo, polo que se regula o Rexistro de Convenios da Xunta de Galicia, e poderá exercer os seus dereitos de acceso, rectificación, cancelación e oposición respecto do contido dos rexistros antes citados ante a Dirección Xeral do Instituto Galego de Promoción Económica, sito no Complexo Administrativo de San Lázaro s/n, 15703 Santiago de Compostela.



NOVENA.-

O presente convenio ten natureza administrativa e rexerase polas súas propias cláusulas e no disposto por elas, polas normas de Dereito Público español, isto é, a Lei 39/2015, do 1 de outubro, do procedemento administrativo común das administracións públicas e demais normas subsidiarias.

O presente convenio obriga ao cumprimento do expresamente pactado, someténdose as partes ao acordado en tódalas estipulacións, e como proba de conformidade, as partes asinan o presente convenio o 30 de decembro de 2024.

Polo IGAPE

Por Gradient

Asdo.: Covadonga Toca Carús

Asdo.: Luis Pérez Freire



NOME TITOR BOLSEIRO/A:	Alexandre Teijeiro Meany
MERCADOS DE INTERESE:	Unión Europea, EEUU, Latinoamérica e Oriente Próximo
ACCIONS INTERNACIONALIZACIÓN PREVISTAS 2025:	Aínda non se definiron accións concretas para o ano 2025. En calqueira caso, se pode adiantar que se dará continuidade a liña desenvolvida nos pasados anos, incluíndo o desenvolvemento das seguintes accións: - Campañas de contactos en mercados internacionais a través de mailings e chamadas telefónicas - Identificación de potenciais socios e distribuidores para as solucións desenvolvidas por Gradient. - Asistencia a eventos internacionais. Aínda non se definiron as feiras nas que se participará en 2025. A modo de exemplo Gradient asistiu as seguintes eventos en 2024: RSA San Francisco, Money 2020 Amsterdam, Exponential, etc. - Asistencia a eventos nacionais nos que haberá presenza de empresas internacionais. Em 2025 Gradient asisitrá a feria de defensa e seguridade FEINDEF. - Asistencia a misións comerciais: Gradient buscará participar en distintas misiones comerciales organizadas por entidades tales como ICEX, Ametic e Igape. A modo de exemplo, en 2024 Gradient participou en una misión comercial de ciberseguridad en Chile y en EEUU.
PLAN DE TRABAJO E TAREFAS DO BOLSEIRO/A:	O bolseiro/a que se incorpore a Gradient, deberá realizar diferentes tarefas dependendo da fase dda beca na que se atope: 1º Fase, capacitación – duración 3 meses: durante esta fase o obxectivo principal e que o bolseiro se familiarice co modelo de negocio da organización e que poida coñecer con maior detalle as tecnoloxías e principais áreas de interese da organización. Ao tratarse dunha organización que traballa no desenvolvemento de tecnoloxías disruptivas, o bolseiro deberá poñer especial atención en entender as particularidades de cada área e tecnoloxía. 2º Fase Diseño dun plan de internacionalización – duración 2 meses: cos coñecementos adquiridos na primeira fase, o bolseiro/a deberá diseñar un plan de internacionalización no que se definan as principais tecnoloxías a desenvolver, cadea de valor das tecnoloxías, posicionamiento de Gradient, proposta de valor... 3º fase – duración 6 meses: implantación do plan de internacionalización: contacto con potenciais clientes, axuste do plan en función dos resultados, organización de reunións e seguemento as oportunidades comerciais xeradas. Plantexamento de ofertas e propostas comerciais. De forma transversal as tres fases o bolseiro/a asistirá a reunións tanto internas como externas co obxectivo de



	capacitarse e mellorar o entendemento do modelo de negocio de Gradient.
--	---